

տատեարց՝ բողոք բարձեալ աղաղակէին . թէ ահա կորեան
դրամքն մեր . ապա հանին 'ի վաճառ զմնացեալ անօթս
եկեղեցւոյ , զորս եղեալ էին 'ի գրաւի՝ 'ի ձեռն Հրէից ,
եւ ոմանք 'ի պարտատեարց գնացեալ 'ի վանս՝ կապէին
գերիվարս իւրեանց 'ի կոչնակէ և 'ի դրանց եկեղեցւոյն ,
և տային կրծեւ գնոսա և տաչել : Փակեցան դրունք եկե-
ղեցւոյ յահէ պարտատեարց և խափանեցան պաշտօնք եւ
սրտարագք , 'ի մոռացօնս եղեն սահմանք վանականու-
թեան և կրօնաւորութեան . զի տեղակալք կանամք , որ-
դւովք և դատերօք պերճացեալ ճոխանային՝ օտարացեալք
յԱստուածային օրինաց՝ և 'ի կարգաց պարկեշտութեան .
թողին զեկեղեցական արարողութիւնս եւ զկարգաւորու-
թիւն հանդիսաւոր թափօրաց . եղեալ նշաւակ եւ այսն
կատականաց առաջի օտարաց , և առիթ յափշտակութեան
աղգային իրաւանց : Համարձակեալ այնուհետեւ պարտա-
տեարց՝ դիմէին 'ի սենեակս միաբանաց հանդերձ զինուո-
րօք՝ խորտակէին զգրունս և զլուսամուտս , և զգիշերն
ողջոյն չրջէին սենեակ 'ի սենեկէ , և ոմանք այսր և անդր
'ի դարանի նստէին , հայհոյէին և թքանէին յերեսս ծե-
րունեաց . ապտակէին և կռփահարէին՝ և կալեալ գհերացն
գարչէին արտաքս , և յափշտակէին զոր ինչ միանգամ դը-
տանէին անդ : եւ յաւուրս կիւրակէից 'ի բանալ եկեղեց-
ւոյն՝ դիմէին անդր և ելանէին մինչեւ 'ի բեմն յափշտա-
կել զսկիհն 'ի ձեռաց նուիրադործողին , եւ այսպէս հա-
սեալ էր ազգ Հայոց յեալին անարգութիւն , զի 'ի սմին
ժամանակի 'ի նախատինս համարեալ էր յերուսաղէմ ա-
նունդ Հայ :

Իբրեւ տեսին պարտատեարք , թէ ոչ գոյ այլ եւս յոյս
առնլոյ զդրամս իւրեանց , զի սպառեցաւ ամենայն ինչ ,
հանին 'ի Կոստանդինուպօլսոյ հրաման Սրբօնի վաճառել
զամենայն կալուածս , և առնուլ զպարտօն : Հ . Մ . Չամ-
չեան յաւելու ասել , զբնակարանս և զվանս Ս . Յակոբայ .
Հա . Գ . Երեւ 771 : Սակայն չիք այս 'ի պատմութեան
Հաննէի և ոչ 'ի ձեռագիրս :

Լուեալ զայս Տեղակալաց , խորհեցան նախ վաճառել
զվանս Ս . Փրկչի . զայսպիսի լուր առեալ միաբանաց , որք
մնացեալ էին սակաւ թուով , անկան 'ի դրունս պարտա-